



Jesus is hier, nie weg nie

Op Donderdag 30 Mei vier ons die hemelvaart van Jesus. Prof Ernest van Eck het hierdie teks geskryf vir vanjaar se *Bybelse Dagboek*.

Teken in op
blitspos
Stuur 'n e-pos na
karen@nhk.co.za

Soos in die geval van byvoorbeeld die maagdelike verwekking of kruisiging van Jesus, word ook die hemelvaart van Jesus op meer as een wyse in die Nuwe Testament beskryf. Die bekendste vertelling oor die hemelvaart van Jesus is heel waarskynlik die beskrywing wat ons in Handeling 1: 1-11 vind. Volgens hierdie vertelling het Jesus vir 40 dae na sy dood by verskeie geleenthede in Jerusalem aan sy dissipels verskyn, saam met hulle geëet en met hulle oor die koninkryk gepraat. Toe, op die 40ste dag na sy dood, is Jesus in 'n wolk voor die oë van sy dissipels weggeneem.

Waarheen, word die vraag dikwels gevra, het Jesus gegaan? In terme van die wêreldbeeld van die mense van sy tyd, natuurlik hemel toe, want vir daardie mense het die wêreld immers uit drie vlakke bestaan met die hel onder, die aarde in die middel, en die hemel bo. Maar waar is hierdie *bo*? word soms gevra. Sommige vra soms selfs of daar regtig 'n *bo* is. Party sê nee, daar is nie. En, is die argument, as daar nie 'n *bo* is nie, dan is die hemelvaart mos nie iets wat werklik gebeur het nie.

Hierdie soort vrae mis die punt wat Handeling hier wil maak. Wat die skrywer wil sê, is dat Jesus nou nie meer hier is nie, maar by God. God wat ewig (*altyd*) is. En waar is God? God is oral. Wat eenvoudig beteken dat Jesus nou ook *altyd* en oral is. Jesus Christus kan nou dus geken, ervaar en aanbid word deur elke gelowige op enige plek en enige tyd. Hy is nou by ons, altyd, en oral. So, al lyk dit of Hy weg is, is Hy nie. Hy is nou hier, hier by my en by jou.

Ons lewe dus elke oomblik van elke dag in Christus se teenwoordigheid. Hoe behoort ons dit te doen? Ons behoort sy getuies te wees, te vertel van sy liefde en goedheid. En deur dit te doen, maak ons al hoe meer iets van sy koninkryk sigbaar. In Jerusalem, Judea, Samaria, maar ook hier en nou.

Prof Ernest van Eck, Universiteit van Pretoria

***** Die volgende uitgawe van *Blitspos* verskyn op Donderdag 13 Junie.**

Nuus, berigte en
kort kommentaar
(uiters 100 woorde)
aan
produksie@nhk.co.za

Skakels

Webblad van die
Hervormde Kerk
www.nhka.org

Indien u nie weer
blitspos wil
ontvang nie,
stuur 'n e-pos na
karen@nhk.co.za

Die redaksie aanvaar
verantwoordelikheid
vir die inhoud.
Menings deur
skrywers uitgespreek,
is egter nie
noodwendig die
beleid of standpunt
van die Hervormde
Kerk nie.

Lief en leed

- **Mnr Willie van Schoor**, vader van dr Wimpie van Schoor van Gemeente Primrose-Oos, is Dinsdag 28 Mei skielik oorlede. Hy was in die hospitaal vir 'n prosedure aan sy been. Hy was vir twee termyne ouderlinglid van die Kommissie van die AKV en lank skriba van Gemeente Kempton Park-Oos. Dr Wimpie het in die onlangse verlede sy moeder, dogter, skoonmoeder en nou ook sy vader verloor. Ons innige simpatie gaan aan hom en sy familie.
- **Ds Kiewiet van Deventer** van Gemeente Malelane **se vader** is Saterdag 18 Mei oorlede. Hy was 82 jaar oud en was die laaste vier maande bedlêend, waartydens sy liggaam stelselmatig agteruitgegaan het en hy sy kragte verloor het. Ons innige simpatie gaan aan ds Van Deventer en hul familie.
- **Mnr Fanie Schoeman**, eggenoot van mev Nettie Schoeman van die Ouditafdeling van die Sinodale Dienssentrum, is Saterdagoggend 25 Mei na 'n lang siekbed oorlede. Die egpaar was voorheen lidmate van Gemeente Silverton en is sedert 2013 in Gemeente Pretoria-Oos. Mev Schoeman is reeds jare lank by Oudit werksaam, en werk al 'n geruime tyd op kontrakbasis vanaf haar huis. Die begrafnisdiens vind plaas op **Donderdag 30 Mei om 11:00** in Gemeente Pretoria-Oos. Ons bid mev Schoeman krag toe in hierdie moeilike tyd.
- **Ds Gerrit-Daan van der Merwe** van Gemeente Strand is Sondag 26 Mei tydens die gemeente se erediens in die huwelik bevestig met Lisca. Die hele gemeente was genooi – een wonderlike groot familie en vriende om saam te hoor hoe hulle trou aan mekaar belooft! Die diens is waargeneem deur dr Piet van Staden van Stellenbosch/Worcester met 'n treffende boodskap oor die liefde.
- **Dr Daan van Wyk (jr)** het onlangs in die huwelik getree met Michelle Jansen van Rensburg. Die huweliksbevestiging het plaasgevind tydens 'n normale erediens van hul gemeente, Ebenhaëzer.
- **Die volgende predikante verjaar tot 14 Junie, en word hartlik geluk gewens:**
 - o Woensdag 29 Mei: Ds P (Paula) Eksteen (buiteland)
 - o Vrydag 31 Mei: Ds GJ (Gert) van Staden (beroepafwagting)
 - o Dinsdag 4 Junie: Di TF (Thomas) Joubert (Swellendam) en CAA (Tiaan) Loedolff (Vaalwater)
 - o Woensdag 5 Junie: Dr JGM (Hans) Dreyer (emeritus) en ds GF (Frikkie) van Wyk (Montana-Oos)
 - o Donderdag 6 Junie: Prof APB (Andries) Breytenbach (emeritus), di PS (Petrus) Dreyer (Seestergemeente Brackenhurst) en HJ (Herman) Jansen van Rensburg (emeritus)
 - o Vrydag 7 Junie: Di LJJ (Leon) Nell (emeritus) en JA (Johnny) Young (Rustenburg-Tuine)
 - o Saterdag 8 Junie: Ds WJM (Willem) Breytenbach (Hazyview/Sabie/Witrivier)
 - o Sondag 9 Junie: Ds JJ (Kotie) Mc Donald (Turffontein)
 - o Woensdag 12 Junie: Ds NCJ (Nico) Brayshaw (emeritus) en ds L (Lana) van Rensburg (Koedoesrand)
 - o Donderdag 13 Junie: Prof MJ du P (Biëks) Beukes (emeritus)
 - o Vrydag 14 Junie: Ds GFJ (Gert) Beukes (emeritus)

Gemeentes en bediening

- **Die kantore van die Sinodale Dienssentrum sal gesluit wees op Donderdag 30 Mei (Hemelvaartdag).**
- **Gemeente Noordwestelike Pretoria se kontakbesonderhede** het verander. Die kantoor se nommer is nou 060 577 6458 en die e-posadres **admin@laatjouligskyn.co.za**. **Ds Stephen de Beer** se nommer is 060 577 6472 en sy e-posadres **stephen@laatjouligskyn.co.za**.

- **By die SP Engelbrecht-museum te koop:** Ou portret-/fotorame en glas – maak 'n aanbod. Ook ou yster-kerkwapens/ZAR-embleme @ R100 elk en 1886-1986 Witfontein bronspenninge @ R20 en silwerpenninge @ R100. Stel van 8 plakkate oor geskiedenis van die NHKA @ R250 of R45 per plakkaat: Predikante; Ouderlinge; NHSV; Nagmaal en Doop; Bybelvertaling; Kerkhervorming; Voortrekkers; Liturgiese jaar. Ons kan dit ook via Postnet stuur. Kontak ds De Bruin by cjdb@telkomsa.net of 082 733 3951 op WhatsApp.
- Predikante wat **preekbeurte** wil waarneem in **Zimbabwe (Bulawayo en/of Harare)**, kan kontak maak met ds Nicolaas Steenekamp by njssteenekamp@gmail.com of 073 279 3315. Vervoerkoste en 'n honorarium word betaal.
- Leraar(s) word steeds benodig vir **preekbeurte** in **Gemeente Messina**. Predikante van die Kerk wat in Tshipise vakansie hou, kan die skriba, mnr Johan Louw, kontak by 072 485 5617.
- Predikante kan by **Gemeente Dullstroom** preek en gratis verblyf vir twee nagte kry vir die gratis preek. Die gemeente bied gratis verblyf vir 'n **predikant en sy/haar gade**; vir kinders se verblyf moet self betaal word. Die vergunning geld nie langnaweke en vakansietye nie. Reël die verblyf met Adri by 071 672 6761. Kontak dan mev Johanna Pieterse by 072 116 3353 of nhkdullstroom@gmail.com om die Sondag te bevestig.

Vergaderings

- Woensdag 5 Junie: Plesion Direksie
- Donderdag 6 Junie: Kommissie van die AKV
- Vrydag 7 Junie: Kommissie van die AKV
- Saterdag 8 Junie: Kommissie van die ADV
- Donderdag 13 Junie: Rata Bestuur Werkwinkel

'n Gedig

Credo

Wie ken die ryp se bêreplek,
skatkamers van die sneeu?
God bewaar die bruidsdrag van die aarde.
Hy ontbied die môre;
uit sy geheime garderobe
haal Hy haar ligroos kleed.

'n Vreemdeling, sê u, dominee?
'n Bywoner, 'n reisiger
wat die onsienlike moet sien?
Op dié deurtog verheug ek my
om te oorwinter, te oornag.

In die koesterkolle van die son
is ek dassie en duinemol:
Vanself om die aarde bol
my opgehewe hande.

Die God van die verborge plekke
leer ek sienderoë ken.

Lina Spies

(Uit: *Hiernamaals*, 1992)

Toerusting

- Op Saterdag 25 Mei het die **Gautengstreek (Pretoria) se VTK** (Voortgesette Toerusting Kerkraad) by Gemeente Wonderboom plaasgevind. Daar was ouderlinge en diakens uit verskillende Pretoriase gemeentes betrokke. Die toerusting het oor emosioneel gesonde leierskap gehandel.



- **Sentrum vir Kontekstuele Bediening, UP**
Premierkursus oor brugbediening
Week 1: 29 Julie – 2 Augustus
Week 2: 4-7 November
Kursusleier prof Malan Nel, 70 kursuspunte
Koste R2 200 (BTW ingesluit)
Kontak Hesmarie Bosman by 012 420 4952
Hesmarie.Bosman@up.ac.za

Opleiding vir geskeide ouers

Maak 'n goed aangepaste volwassene groot – al is julle geskei

Kry hulp met basiese waardes;
konflikhantering;
kommunikasie- en luistervaardighede;
'n werkbare ouerskapsplan;
hantering van buitemuurse aktiwiteite;
ensovoorts

Marieke Oberholzer
083 306 1720 / marieke@creidim.co.za

(Geregistreerde Sielkundige PS 0063282)

Barmhartigheid

- **Tooi Turkois vir Bejaardes**
15 Mei – 15 Junie
Navrae: info@goturquoise.co.za
- **Sondag 2 Junie: Deur-/kometerskolkette**
Vir Rata Maatskaplike Dienste
Bring 'n kombers vir 'n kind/bejaarde/hawelose persoon
Of maak 'n donasie ter waarde van 'n kombers
Deel van Kinderbeskermingsweek 27 Mei – 2 Junie
- **NHSV-uitbetalings.** Ten einde die NHSV Hoofbestuur in staat te stel om op nasionale vlak haar barmhartigheidstaak uit te voer, word takke versoek om **twee keer 'n jaar fondse** aan die NHSV Hoofbestuur **oor te betaal**, naamlik teen **31 Mei en 31 Augustus**. Die **Mei-uitbetalings** word aangewend vir die Bejaardesorg en Inrigtingsfondse sowel as die administrasie van die NHSV-kantoor. Hierdie fondse ondervang gewoonlik die tekorte van bejaardes wat nie kan bekostig om vir hul versorging in die tehuise te betaal nie, en wat nie daarom weggewys word nie, maar gehuisves word. So vervul die NHSV haar barmhartighedsrol deur bejaardes in nood te borg. In **Augustus** kan elke NHSV-tak en gemeente 'n addisionele barmhartighedsuitbetaling aan die NHSV Hoofbestuur maak ten bate van enige van of al die Monumenttehuise (waar tekorte ontstaan), die Beurs- en Leningsfonds (vir Hervormde studente), die Armoedefonds en *Die Christelike Vrou*. **Hierdie is vrywillige bydraes** wat die NHSV se hand sterk om 'n seën te wees waar sy betrokke

is by verskeie instansies. Barmhartigheid is 'n opdrag wat Jesus aan elke gelowige gegee het, en met hierdie fondse poog die NHSV om daardie opdrag uit te voer. Dankie aan elke vrou en lidmaat wat hiertoe bydra.

- **Machteld Postmus-behuisingskompleks vir bejaardes** in Brooklyn, Pretoria, beskik tans oor **een eenslaapkamer-huureenheid** in Huis Johannes Postmus teen R3 865 per maand. Kontak mev Hannelie Fourie by 012 325 1857.
- **Louis Trichardt-behuisingskompleks vir bejaardes** in Danville, Pretoria, bied kamergeriewe met drie etes per dag teen R4 435 per maand. Vir meer inligting, kontak mev Vicky Muller by 012 386 5310.
- **Ons Tuis (Andries Marié Oosthuizen) in Parys** het tans plek beskikbaar in die tehuise vir versorging van verswakte bejaardes. 'n Volledige versorgingsfasiliteit sluit in 24 uur versorging, drie maaltye per dag en sekuriteit. Vir meer besonderhede, skakel matrone T Broodryk by 056 811 2185.
- **Seniordal-aftreeoord (blok woonstelle) Lewensreg te koop**
 2-slaapkamer @ R560 000
 1½-slaapkamer @ R520 000
 1-slaapkamer @ R515 000
 Groot tuine om in te ontspan
 Geen versorging
Daar is nou ook huureenhede beskikbaar
 Skakel Ansie Lombard (bestuurder)
 012 329 4318 / 084 920 8723




Die Christelike Vrou



Kerklike publikasies

- In die **Mei 2019-uitgawe** van die NHSV se publikasie **Die Christelike Vrou** lees ons in die redaksionele artikel *Geen einde aan hoop* die verhaal van Katie Renshaw wat aan 'n rolstoel vasgekleuster was vir 10 jaar, hoe daar vir haar uitkoms gekom het, en dat ons nooit moet ophou hoop nie! Die ontwikkeling van die NHSV se webblad oor 'n periode van 13 jaar word toegelig in die artikel *NHSV in pas met nuutste tegnologie!* Kom lees ook die verhaal van Opera Above Ground Level in 'n *Trappie hoër* wat fokus op die ontwikkeling van jong talent in die Kaap. Ons laaste artikel fokus op *Hospice* en hoe ons betrokke kan raak by hul *Hospice-winkels*. Kom besoek gerus die NHSV se publikasies by <https://nhsv.org.za/publikasies/>.
- **Lees in Die Hervormer van Junie 2019**
 - o Stille barmhartigheid
 - o Terugvoer oor die Agtste ADV
 - o Leierskapsafrigting vir predikante
 Lees *Die Hervormer* volledig by www.hervormer.co.za
- Die Sinodale Dienssentrum se **Kerkspesifieke lessenaarkalender vir 2019**, in volkleur, is nou teen die verminderde bedrag van **R50 (BTW ingesluit)** per kalender beskikbaar. Die Kerkjaarbesonderhede word elke maand aangedui. Sinodale vergaderings word aangedui, maar daar is steeds genoeg ruimte by elke dag om eie afspraak in te skryf. Die formaat is A2 (4 x A4's), aan die bokant gegom, sodat dit plat op 'n lessenaar kan lê. Bestel by mev Sarie Roux by 012 322 8885 x3025 of sentik@nhk.co.za. Die kalenders kan afgehaal word by die Sinodale Dienssentrum te Swaanstraat 129, East Lynne.
- **Ds Fanie Naudé (emeritus)** se **boekie Die Name van Jesus** is nou beskikbaar by CUM se boekwinkels, teen R136 elk (normale prys R160). Wat beteken dit wanneer Jesus die Leeu van Juda, die Sleutel van Dawid, die Hoeksteen, die Erfgenaam en die Amen genoem word? In hierdie publikasie word 50 van die belangrikste Name verduidelik wat Jesus se familie, sy dissipels, vreemdelinge, Hyself, asook sy Vader Hom genoem het. Jesus se Name vertel ons meer van sy verhouding met sy God, die Heilige Gees en veral met ons, sy kinders.



BOEKE VIR ONDER R150 TERWYL VOORRAAD HOU!

R120

R130

R120

BESTEL VAN MEV SARIE ROUX BY SENTIK@NHK.CO.ZA

Fondsinsamelings

- **Gemeente Krugersdorp: Gholfdag**
Donderdag 6 Junie by Krugersdorp Gholfbaan
 R1 600 per vierbal (sluit baanfooi en halfwegete in)
 R2 500 om 'n putjie te borg
 Inskrywings en navrae: Ds Quinten Schimper
 076 687 7410 / quinten.schimper@gmail.com
- **Rata: Drive for a Child Masters**
Dinsdag 20 Augustus by Silver Lakes Buiteklub
 Borg 'n putjie teen R2 500
 R4 200 vir 'n 4-bal (2 gholfkarretjies, middag- en aandete ingesluit)
 R5 000 vir 'n 4-bal plus putjeborg (2 gholfkarretjies, middag- en aandete ingesluit)
 Navrae: 082 081 3213 / info@driveforachild.co.za
www.driveforachild.co.za

Basaars en markte

- **Gemeente Newcastle: Winskopiebasaar**
Vrydag 31 Mei 13:00 tot laat
 By kerksaal, hv Eaton- en Amielweg, Amielpark
 Kerrie-en-rys, pap-en-sosaties, pannekoek, nagereg en baie meer
 Navrae: Piet Bothma 082 444 7257 / Daleen Honeyball 084 578 1556

GROOT MARICO SAFARI KARNAVAL

1 Junie 2019
Nederduitsch Hervormde Kerk,
Groot Marico
R100 per kaartjie

1ste Prys
Linhai Rustler 300

2de Prys: Naweek vir 4, Groot Marico Lodge

Kontak: Martie Erasmus – 082 774 5707 / Ds Stephan Botha – 083 743 0507

- **Gemeente Delmas: Voetspoorfees**
Saterdag 1 Junie 09:00-14:00
 Kom geniet vleisspore, pretspore, smulspore en vermaakspore
 Met “Die Ventertjies” (gratis vertonings)
 Navrae: Heleen Bekker 013 665 2679 / delmas@nhk.co.za

- **Gemeente Silverton: Basaar**
Saterdag 1 Junie vanaf 08:00 en solank voorraad hou
By kerksaal, hv Fakkell- en Presidentstraat, Silverton
Vetkoek, pap-en-kaiings, worsbroodjies
Pannekoek, nagereg, koeke, vermaak en baie meer
Staanplek vir stalletjies beskikbaar teen R200
Geen kosstalletjies van buite gemeente nie
Navrae: Ds Henk Labuschagne 082 375 4321
Hannie Knoll 079 603 6555
- **Dutch Reformed Church Nkana of Zambia: Basaar**
Saterdag 1 Junie by die krieketklub in Kitwe
Trekking van wenkaartjie (230 kg bees of K6 000 – R7 500 – kontant) om 16:00
Navrae: Prof Biëks Beukes (brugpredikant Nkana) 072 036 4960
Cleo Dempers (skriba) +260967783278

Betaalde advertensies in hierdie nuusbriëf

Die koste van advertensies is R250 per plasing (BTW ingesluit). (Let asseblief op die nuwe koste.) Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + blitspos.** Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal. Meer besonderhede kan aangevra word van produksie@nhk.co.za.

Gebed vir die week

Kom, alles wat groot is in die skepping,
kom prys die Here!
Kom, berg Kilimandjaro en Victoriameer,
kom, Skeurvallei en Serengetivlakte,
kom, vet kremetarte en mangobome,
bloekoms en tamarinde,
kom, LOOF DIE HERE!
Roem en loof Hom vir ewig en ewig.

Kom, al julle kleintjies:
besige swart miertjies en wippende vlooië,
wriemelende paddavissies en muskietlarwes,
kom, julle vlieënde sprinkane
en spattende waterdruppels.
Kom, stuifmeelspikkels en tsetsevlieë,
grassade en daggapplantjies,
kom, LOOF DIE HERE!
Roem en loof Hom vir ewig en ewig.

'n Lofsang uit Afrika

(Uit: *Die groot gebedeboek*, Piet Naudé, 2014)